



Avannaata
Kommunia

**Avannaata Kommuniani taxat atorlugit
angallassisarnermi ileqqoreqquusaq.**

Ukioq, 2018

Suliarineqarpoq: Ingerlatsinermut ataqtigiissaarisumit

Imarisaa:

Kapitel 1, taxat atorlugit angallassisarneq.....	3
Kapitel 2, taxarniarluni inniminniisarfiit	3
Kapitel 3, Taxaatillit	4
Kapitel 4, Taxanik aquttoq	4
Kapitel 5, Taxatut angallassissutit.....	5
Kapitel 6, Taxanik angallanneqarnermut akiliuteqartarneq.....	6
Kapitel 7, pineqaatissiissutit	6
Kapitel 8, Akigititat.....	6
Kapitel 9, Atuutilerfia il.il.....	6

Kapitel 1, taxat atorlugit angallassisarneq

§1 Taxat atorlugit angallassisinnaanermut akuersissut kommunalbestyrelsimit nalunaarutigineqartarpooq.

Kapitel 2, taxarniarluni inniminniisarfiit

§2. Taxarniarluni inniminniisarfeqarnermi siunertaavoq angallatassat sukkasuumik pitsaasumillu sullinneqartarnerisa pitsaanerusunngortinnissaa

§3. Taxarniarluni inniminniisarfiit tamatigut kommunalbestyrelsimit akuerineqarsimassapput

§4. Taxanut inniminniisarfimmut ataatsimut taxat ikinnerpaamik 10-it attaveqartussaapput, illoqarfigisamili/nunaqarfigisamili taxaaateqarsinnaanermut akuersissutit qulinik ikinnerusimappata taxanut inniminniisarfimmut taxat qulinik ikinnerusinnaapput.

Imm. 2 Inoqarfinni mikinerusuni taxanik angallassisinaanermut akuersissummik peqartoq nammineerluni kiffartuussanut mobili atorlugu attaveqarsinnaaneq aaqqissavaa.

Attaveqarfigineqarsinnaanermut paasissutissat tamanit takuneqarsinnaasunngorlugit tele-postikkut/paasissutissiinikkut aaqqinnejqarsimassapput, kiisalu illoqarfigisami/nunaqarfigisami allagarsivik atorlugu tamanit takuneqarsinnaasunngorlugu allagarsiisoqarsimassalluni.

§5 Taxarniarluni inniminniisarfiit imaluunniit mobiltelefonit atorlugit inniminniisitsisarfiit ullut tamaasa ulloq unnuarlu angallatsikkumallutik inniminniisut sullittassavaat.

Imm. 2 Taxarniarluni inniminniisarfiit imaluunniit mobiltelefonit atorlugit inniminniisitsisarfiit ulloq unnuarlu tamakkerlugit angallassisussaatitaarnermit pituttugaanertik ilaannakortungortikkumallugu teknikimut ingerlatsivimmut qinnuteqaatigisinnaavaat.

Taxarniarluni inniminniisarfiup sumi inissisimanera, angallatassat qassiussusii tunngavigalugit, taxat qassit inniminniisarfimmut attasuunersut kiisalu angallatassanik kiffartuussineq eqqarsaatigalugu aalajangiisoqassaaq. Ulloq unnuarlu angallassisussaatitaannginnermut akuerisaasimaneq qaammammik ataatsimik sioqqutsilluni nalunaaruteqarnikkut atorunnaarsinnejqarsinnaavoq.

§6 Taxanik angallassisinnaanermut akuersissummik pigisaqartoq taxarniarluni inniminniisarfimmik pilersitsinissamut pisussaaffeqarpoq imaluunniit taxanik inniminniisarfimmut ataatsimoorussamut ilangutissalluni pisussaaffeqarpoq. Taxanik angallassisinnaanermut akuersissutaasup pissariarinerait ulla arfineq marluk qaangiutsinnagit taxanik inniminniisarfimmut ilangussimanermut upternarsaat communalbestyrelsimit nassiunneqassaaq.

Imm. 2 Taxanik angallassisinnaanermut akuersissummik pigisaqartoq taxanik inniminniisarfiup pingaartoqartitsinermut aaqqissuussineranut peqataasussaavooq. Taxanik angallassinermi pingaartoqartitsinermut aaqqissuussineq teknikimut immikkoortortaqarfimmit akuerissutigineqarsimassaaq. Pingaartoqartitsinermut aaqqissuussineq ukiumoortumik akuerissutigineqartassaaq, tamannalu pisassaaq ukiup nikinnerani.

Imm. 3 Inoqarfinni mikinerusuni taxat ataasiakkaat nammineerlutik pingaartoqartitsinermut aaqqissuussisarneq isumagissavaat, taxanialrutik inniminniisartut pisariaqartitaat naapertorlugu aaqqiisassallutik, pingaartoqartitsinermullu tunngassuteqartoq teknikimut ingerlatsivimmit akuerineqarsimassaaq.

Imm. 4 Pingaartoqartitsinermut aaqqissuussinermi piumasaqaatit malinneqarnersut teknikimut ingerlatsivimmit nakkutigineqartassapput, taamaaliortoqartassaarlu katitali 7-imil aalajangersakkat pingaartoqartitsinermut tunngassuteqartut malinneqarsimannngippata.

Imm. 5 Taxanik inniminniisarfinnut arlalinnut atanissaq akuerineqanngilaq.

§7 Taxanik inniminniisarfik taxanik angallassinissamut akuersissummit peqartunut tamanut inniminniisarfimmullu attuumassutilinnut inniminniisarfimmut atanissaannut akuersissalluni pisussaavoq. Taxanik inniminniisarfik inniminniisarfiup ingerlanneqarneranut pilersinneqarneranullu aningasartuutaasunut matussutissanik atugassanik akiliuteqartitseqqusisinhaavoq. Taxanik angallassineq piginnaanngilaq taxaatilik taxanik inniminniisarfimmut atalersimanngikkuni, takuuk §4 imm. 1 imaluunniit mobiltelefonimik inniminniifflusinnaasumik pilersitsisimanngikkuni, takuuk §4 imm. 2.

§8 Taxanik piginnittup taxanik angallassinerit pillugit paasissutissat tamaasa angallassineq pillugu atuagaaqqamut kommunalbestyrelsimit atortussanngorlugu akuerisaasumut nalunaarsortartussaavai.

§9 Taxanik inniminniisarfiup nittartakkamini allatigullu pilerisaaruteqarluni saqqummiussamini nalunaassavaa qimminik uumasuutinillu allanik angallassisinnaaneq neqeroorutaanersoq taamaaliorssinnaanermullu piumasaqaatit suut tunngaviunersut, tamatumani aamma ilanngunneqassaaq taxanik angallatsikkumasup angallanneqarnissaminut paasissutissanik eqqortunik taxanik inniminniisarfimmut tunniussisussaatitaanera.
Imm. 2 Taxanik inniminniisarfiup nittartakkamini allatigullu pilerisaaruteqarluni saqqummiussamini taxat atorlugit angallassinermi akigititaasut nalunaassavai.
Imm. 3 Taxanik inniminniisarfiup nittartakkamini allatigullu pilerisaaruteqarluni saqqummiussamini akigititaasunik qaffaanissaq ilimasaarutigissavaa qaffaatit atuutilerfissaat qaammatinik pingasunik sioqqullugu.

Kapitel 3, Taxaatillit

§10 Taxaatillip isumagissavaa taxat kortit akiliutaasartut atorlugit akiliisarfqqartinnissaat kordinik nalinginnaanerpaanik tigusisinhaasumik. Akuersissummilli piginnittoo pinngitsoorani Akiliut Dankortilu atorlugit akiliiniartunik tigusisinhaasariaqarpoq.
Imm. 2 Taxaatillip isumagissavaa taxanermi uppermarsaatnik tunniussinissamut atortut pisariaqartut taxani piginissaat.

§11 Taxaatillip taxaatimi nakkutiginissai isumagisussaavai kiisalu taxanik angallassisinnaanermut inatsisit piumasaqaataasut naammassineqarsimatinnagit taxat angallassisutitut atorneqannginnissaat aamma isumagisussaassallugu.

§12 Taxaatillip qularnaartussaavaa, taxat aquttuat taxanik ingerlassisinnaanermut allagartamik atuuttumik peqarnersoq.

Kapitel 4, Taxanik aquttoq

§13 Kommunalbestyrelsi taxanik allassassisinnaanermut allagartamik tunniussaqassaaq, taxat atorlugit angallassisinnaanermut uppermarsaatitut atorneqartussamik.
Imm. 2 Taxat atorlugit angallassisinnaanermut piumasaqaataavoq taxanik angallassisinnaanermut atuuttumik allagartaqarnissaq. Taxanik angallassisinnaanermut allagartaq tunniunneqassanngilaq taxartarumalluni qinnuteqartup taxarsinnaanermut allagartaagaata ulluata naaffissaani piffissaliussaq qaangerlugu.
Imm. 3 Taxanik aquttup sulinermini aquttutut allagartani nassartassavaa, allagartarlu taxat iluanni sullitamit takuneqarsinnaasumut inissinneqassaaq.

§14 Angallanneq pillugu inatsisitigut maleruaqqusat aquttup unioqqutinnagit malissavai.

§15 Taxanik aquttup pisussaaffigaa nassatat il. il. isumannaatsumik inissinnissaat qulakkiissallugu.

§16 Taxanik aquttoq tamatigut pisinnaatitaavoq qimmit uumasuutillu allat ilaatinissaat itigartitsissutigissallugu ersarissumik takussutissaqarpat taxat mingutsillugillunniit innarlerneqarsinnaasut.

§17 Aquttup sulinerminik ingerlassitilluni paasiguniuk taxat inatsisitigut piumasaqaataasunik naammassinnngitsut, taava piaernerpaamik angallassisutigineri unitsissavaa. Aquttup isumagissavaa taamaaliornerminut peqqutaasoq biiliutilimmuit nalunaarutigissallugu.

§18 Taxanik aquttuup mobilinik oqaluussinerit, radiukkut aallakaatitanik tusarnaarnerit, niplersukkat tusarnaarneri il.i. unitsissavai taxannik ilaasup tamanna kissaatigippagu. Taxanulli ilaasup piumasarisinnaanngilaa taxanik inniminniisarfimmut attaveqaatit kipitinnissaat.

§19 Taxanik aquttuup isumagissavaa, taxat qassnik ilaasoqarnissaannut akuersissutaasup atuutsinnejarnissaa.

§20 Inuit taxanik mingutiterisinnaasut kiisalu inuit takuneqarsinnaasut aalakoortut taxanut ilaanissaminut taamaallaat piumasaqarsinnaapput ilaanissamut pisariaqartitsinerat takuneqarsinnaappat aamma peqqissutsimut tunngassuteqartutigut pisariaqartitsinerat takuneqarsinnaappat.

§21 Taxat ingerlaarnerini sullitap taxanik aquttullu akornanni aaqqiagiinngittooqalissappat aquttup angallassinini aatsaat unitsissinnaava tamanna sullitap inuuneranik peqqissusianillu navianartorsiortitsinngippat.

§22 Angallanneqarnissamik inniminiinerit taxanik aquttup ingerlaannartumik naammassiniartassavai. Inniminniineq tiguneqareerpat taxanik aquttoq allanik angallassisanngilaq angallanneqarnissamik inniminniisoq ornitassaanut anngutereersinnagu.

§23 Taxanik aquttusup taxamut ilaasorisat taxanut qimataat politiinut tunniutissavai immikkut nassuiaasersunngikkaluarlugit.

§24 Taxanik angallassinerup nalaani ilaasoq ajoqusissagaluarpat pigisaasaluunniit arlaat innarlerneqassagaluarpat aquttup biiliutilik qanoq pisoqarsimaneranik ajutoornerullu annertussusianik ilisimatissavaa.

Kapitel 5, Taxatut angallassissutit

§25 Kommunalbestyrelse taxanik angallassineq pillugu atuagaqqamik tunniussissaaq atortussanngortitominik, taannalu taxat ataasiakkaat kaaviaartitaannik nalunaarsuiffittut atorneqassaaq-

§26 Taxani tamani angallassilluni kiffartuussinerup nalaani taxanik angallassinermi ileqqoreqqusaq atuuttoq taxani takutinnejarsinnaasunngorlugu pigineqassaq, aamma takuneqarsinnaassapput taxaatileqatigiit akitigaat kiisalu taxanik angallassinermut tunngatillugu nalunaarsuiffik

§27 Taxat ilui silataallu ataavartumik ipiitsuutinneqaqssapput.
Imm. 2 Taxat ilui silataalu ajoquusersimappata piaernerpaamik iluarsaannejartassapput.

§28 Taxani pujortarneq inerteqquaavoq.

Kapitel 6, Taxanik angallanneqarnermut akiliuteqartarned

§29 Taxanik angallanneqarneq naammassippat taksameterimi akiligassatut ersitsut malilugit sullitaq aquttumut akiliissaaq.

Imm. 2 Taxanik angallanneqarnermi akiliinermut uppernarsaat tunniuteqquneqarpat, aquttoq pisusaavoq akiliisimanermut uppernarsaammik tunniussissalluni.

Imm. 3 Taxanik angallassineq aallartitsinnagu aquttoq siumut akiliinissamik piumasaqarsinnaatitaavoq.

§30 Taxat ajutornerup kingunerisaanik ajoquteqalersimappata angallassinerlu apuuffissamut naammassineqarsinnaajunnaarlul imaluunniit taxameteri ajoquteqarlersimappat allamilluunniit ilaasumut attuumassuteqanngitsumik pisoqarsimappat, taava taxanik aquttumut taxameterip aallartinnerani akigitinneqartartoq minussiullugu ilaasoq akiliissaaq, taxanik aquttusoq taxanik allanik piniarsimappat, ilaasorlu taxanut ilaaffigisimasaminut immikkut aningaasartuuteqaqqissanani. Taxanut ilaasoq taxanik allanik ilaaffissaminik utaqquiumannngippat, taava taxanik atuttusup piumasarisinnaavaa taxa meterimi akiligassaaq ersittoq naapertorlugu ilaasoq akiliuteqassasoq.

Kapitel 7, pineqaatissiissutit

§31 Ileqqoreqqusami malittarisassanik unioqqutitsisoqartillugu kommunalbestyrelse allaganngorlugu mianersoqqusummik tunniussissaaq. Mianersoqqussuteqarluni aalajangernerup kingorna qaammatit pingasut iluini ileqqoreqqusaq unioqquteqqinnejqarpal kommunalbestyrelsip akuersissut qaammammi ataatsimi arsaarinnissutigisinnaavaa. Arsaarinnikkallarnissamik aalajangiinerup kingorna piffissami qaammatit pingasut iluini unioqqutitsinerit uteqqinnejqarpata aammalu sullitat isumannaatsumik sullinneqarnissaat pisinnaanngippat kommunalbestyrelsip akuersissut arsaarinnissutigisinnaavaa.

Kapitel 8, Akigititat

§32 Taxaatillit peqatigiiffiannit innersuussinerit tunngavigalugit taxanik angallassinerup allartinnerani akit nutaat communalbestyrelsimit akuerineqartassapput. Taxanik angallassinerup aallartinnerani akit Avannaata Kommuniani assigiissapput. Taxanik angallassinerup aallartinnerani akinik aaqqiissuteqarnissaq tulleg siusinnerpaamik pisinnaavoq ileqqoreqqusap matuma akuersissutigineqarneraniit ukiup affaa qaangiuppat.

Kapitel 9, Atuutilerfia il.il.

§33 Ileqqoreqqusaq una atuutilerpoq ulloq x. xxxx 2018. Ileqqoreqqusap matuma atuutilersinnejqarnerani taxanik angallassinermi ileqqoreqqusat kommuninit atuutsinnejqalersimasut maannakkut atorunnaarsinnejqarpal, atorunnaarsinnejqartullu tassaapput ileqqoreqqusat Avannaata Kommuniata killeqarfiala iluaniittut 1. januar 2018 sioqqullugu ileqqoreqqusaliarineqarsimasut.

Taamalluni ileqqoreqqaq Avannaata Kommuniani kommunalbestyrelsimi
akuersissutigineqarpoq **ulloq x. xxxx 2018.**

Avannaata Kommunianit akuersissutigineqarpoq

Ulloq

Ulloq

Palle Jerimiassen
Borgmesteri

Sivso Dorph
Kommunimi pisortaaneq